



王子安集



三卷

T 5286 / 85

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

MAY 11 1951

Faint, illegible text, likely bleed-through from the reverse side of the page.

1888 1888  
AT NEW YORK  
MAY 11 1881

王子安集卷第

哈佛燕京  
大學  
圖書館  
珍藏  
印

書

上劉右相書

蓋聞聖人以四海為家。英宰與千齡合契。用能不行。而至。春霆仗天地之威。以息相推。時雨鬱山川之兆。故有彗蛟晚集。憑鶴鼎而先鳴。蒼兕晨驚。運龍韜而首出。並能風騰露躍。指麾成烈士之致。蠖屈虬奔。談笑坐羣卿之石。未如越滄海。棄行間。排紫微。謁天子。

龍



勃



於是遭不諱之主。擁非常之位。龍章鳳黻。照其前。鏘  
金鳴玉。疊其後。三靈叶贊。超然奉天下之圖。四海承  
平。高步取寰中之託。君侯之富貴足矣。聖朝之付遇  
深矣。故知陽侯息浪。長鯨卧橫海之鱗。風伯停機。大  
鵬鍛垂天之翼。及其投形巨壑。觸舟浦而雷奔。假勢  
靈飈。指青霄而電擊。神氣洋洋。謂鱗翅使之然也。殊  
不知兩儀超忽。動止繫於無垠。萬化糾紛。舒卷存乎  
非我。是以陳平昔之智士也。俯同降卒。百里奚曩之  
達人也。親為餓隸。當其背強敵。轉康衢。雄慮耿于風  
雲。危途迫於朝夕。豈自期榮稱相府。西藩專虎據之  
圖。寵冠齋壇。東向舉熊飛之策。顧眄可以蕩山岳。吐  
嗟可以降雷雨。遂令用與是非於楚漢。楚漢之間。知  
與不知。得失於虞秦之際。故死生有數。審窮達者。繫  
於天材運相符。決行藏者。定於已。君侯足下。可不謂  
然乎。借如勃者。眇小之一書生耳。曾無繫鐘鼎石之  
榮。非有南隘北閣之援。山野悖其心迹。煙霧養其神  
爽。未嘗降身摧氣。逡巡於列相之門。竊譽于時。匍匐  
於羣公之室。所以慷慨於君侯者。有氣存乎心耳。實

以四海兄弟。齋遠契於蕭韓。千載風雲。託神知於管鮑。不然則荷裳挂楫。拂衣於東海之東。茵閣松楹。高枕於北山之北。焉復區區屑屑。踐名利之門哉。至尊以搖河徙岳之威。當立地開天之運。聖人有作。羣材畢舉。星辰入仕。揖讓朱鳥之門。風雨稱臣。奔走蒼龍之闕。方歆傳旒金室。引成康於已任。闡廣瑤林。復堯舜于茲日。可謂明明穆穆。盡天子之容貌矣。抑嘗聞之。丹山九仞。煙峰非數簣之功。紫極千門。雲臺俟萬楹之力。故天下至曠。神器不可獨專。天道無私。予勲

有待而立。書曰元首明哉。股肱良哉。好問則裕。自用小小。况掌萬國之權。受一人之寵。動見臧否。言知利害。君侯足下。何時易耶。雖有大命。不資童子之言。而恭此小心。敢進狂夫之說。伏見遼陽未靖。大軍頻進。有識寒心。羣黎破膽。昔明王之制國也。自近而及遠。先仁而遠。罰徵實則效存。徇名則功淺。是以農疏千里。僅踰重石之鄉。禹截九州。不叙流沙之境。豈才不及。而智有遺哉。將以辨離方而存正功也。雖至人無外甲兵。曜天子之威。王事有征。金鼓發將軍之氣。而

長城在界。秦漢所以失全昌。巨海橫流。天地所以限殊俗。關土數千里。無益神封。勤兵十八萬。空疲帝卒。驚烽走傳。駭秦洛之忙。飛芻輓粟。竭淮海之費。於是乘奸放命者。出繩纆以生威。因公挾私者。入閭閻而競法。雖一物失所。秦階延旰食之憂。而百戰方雄。中國鮮終年之樂。圖得而不圖失。知利而不知害。移手足之病。成腹心之疾。征稅屈於東西。威信塞於表裏。語曰。勝之不武。不勝為辱。天下之責。四面至矣。誠可遠凝高策。上薦忠言。決人事於去就。合天情於終始。遂令回麾轉檄。背青邱而霧列。障分亭。巡蒼波而守昔者。齊侯為城。為楚國之辭。雲帝崇文。宗文。苗人失洞庭之險。况乎仗德綏亂。以直乘邪。明逆順之端。聳華夷之望。雖復舳舻沸海。旌旗觸天。鐵山四面。金城千里。亦不能為敵人計矣。此君侯之未諭一也。蓋聞星迴日運。御洪荒者貞夫。一電照風行。制寥廓者歸乎靜。易曰。復其見天地之心乎。語曰。動之斯和。綏之斯來。是知源潔則流清。形端則影直。大道起而仁義息。神化周而市獄定。雖復體元立教。青災耀知遠之。

書順時宰物宥罪發精微之典。而况澆風易漸淳化。難歸孔明耿介於當朝。子輿殷勤於易簣。盖有由也。伏見邊函尚梗。殊恩屢發。亡命出澤者。日月相趨。朝脫桎梏。夕還囹圄。奸徒抱袂。因時立僥倖之謀。頑夫頓足。中路紆吁。嗟之慘。皆繇寬勝于猛。人迷所習。勸沮不彰。廉恥相冒。亦有公卿失職。恥受珪符之任。郎官有釁。俯捨銅墨之榮。又焉可以弘張風流。抑揚衆務者也。且夫朽索克羈。不收兵馬之逸。輕緡振網。或隨吞舟之勢。况非常之化。方洽於齊人。無妄之思。乃及羣羣。小將恐匡衡管仲。復靈沼於下泉矣。古之善為國者。不然。信賞而必罰。道德而齊禮。澤配風雨。而無曲惠。威匹雷霆。而絕私戮。交書儗幣。伏慈厚之師。投金散璧。樹仁明之長。故雖開衢室。盖明堂亦將四三皇而六五帝矣。此君侯之未諭二者。盖易曰天地之大德曰生。聖人之大寶曰位。何以守位曰人。何以聚人曰財。是知發揮地利。農桑啓其業。振蕩天功。泉貝流其用。伏覩前制。屢擾事非。畫一塵市。蕭然人情。怪動夫補簡並用。未盡交易之宜。輕重齊行。適啓兼



并之路。於是連闌掩闔者閉肆而乘其屈。布衣韋帶者闔門而受其困。五方競爽。務淺術以相雄。百郡爭勝。驅末技而成弊。田夫織婦。衣食鮮終朝之給。巨駟洪商。輿馬挾封君之勢。蓋有絲米矣。故曰國儲闕於九載。則公上無所給。家廩乏於三年。則妻子非其有。夫陰陽覆逆。天地之常數。百六運窮。堯湯所不免。一旦洪泉決地。夫旱焦山。風雨於一歲之間。霜雹於數州之境。繁運廣役。首尾於中外。沓歲增徭。日夕於都鄙。變陰陽者將何以處之。一夫竊議公之盛德。虧矣。愚謂嚴程峻法。絕輕陋之貨。則奸鎔之源塞矣。沿風正典。重耕耘之務。則邪贏之計沮矣。然後遠弘教旨。大變流俗。法立有犯而必施。令出唯行而不返。違公竊鑄者具五刑之戮。因時力田者懸一命之賞。不然則賈生晁錯復流涕而言矣。此君侯之未諭三也。嵩衡不拒細壤。故能崇其峻。江海不讓纖流。所以存其廣。是以星臺曉闢。上台忘吐握之勞。月殿宵興。中宇軫山林之慕。知夫御天下者必待人也。詩曰濟濟多士。文王以寧。未見君子。憂心如醉。伏見皇明遠燭。帝

采遐宣。張樂岱郊。騰勲社首。徵廉察孝。瑤壇虛不次  
之階。署行議年。璿檢動非常之詔。天下可謂幸甚矣。  
於是友月朋霞之客。背青皋而至。馮唐顏駟之才。排  
紫而而集。夫豈知終始異數。涇渭同流。蘿薜失圖。簪  
纓解體。惜哉羣英霧散。名侯招蔽。善之嫌。天下雷同。  
君子鮮長鳴之地。而欲招絕足。致真龍。難矣。此君侯  
之未諭四也。易曰。拔茅連茹。以其彙。征吉。豈非順物  
不若招類。報國不如進賢。陽事昇而雨露歸。陰駕凝  
而風霜厲。莫不觀時有記。撫氣相求。窮則獨善。其私  
達則兼善天下。而利己疵物者。以自任為身謀。知進  
忘退者。為專榮而得計。豈知夫尺波易謝。寸晷難留。  
陵谷好遷。乾坤忌滿。君侯足下。出納王命。升降天衢。  
激揚鳳宸之前。趨步麟臺之上。亦復知天下有遺後  
乎。夫心之精微。口不能言也。言之微妙。書不能文也。  
伏願闢東閣。開北堂。待之以上賓。期之以國士。使得  
披肝膽。布腹心。大論古今之利害。高談帝王之綱紀。  
然後鷹揚豹變。出蓬戶而拜青墀。附景搏風。捨薑衣  
而見絳闕。幸甚。斯不為難矣。庶幾乎麇郊不棄。終感

乎。枵之精。駿骨時收。或致飛黃之錫。書生王勃死罪。死罪再拜。

上絳州上官司馬書

日。日龍門。百姓王勃再拜奉書於司馬上官公足下。蓋聞靈化出於窈冥。帝圖寄於寥廓。聖人生而萬物睹。太階平而四國會。故曰有非常之后者。必有非常之臣。有非常之臣者。必有非常之績。至今雷奔雨嘯。風旋電轉。拾青紫於俯仰。取公卿於朝夕。雲臺迫漢。南宮列元宰之圖。霜戟羅門。北闕據名臣之第。嘗見之矣。至若時非我與。雄畧頹於窮途。道不吾行。高材屈於卑勢。孔宣父之英達。位未列於陪臣。管公明之傑秀。名僅終郡屬。有時無主。賈生獻流涕之書。有志無時。孟軻養浩然之氣。則亦有焉。豈非妙造無端。盛衰止乎其域。神期有待。動靜牽乎所遇。向使太公失於周伯。則旗亭之屠父。韓信屈於蕭何。則轅門之卧隸。又焉得鷹揚豹變。吐納風雲者哉。故曰知與不知。用與不用。觀夫得失之際。亦窮達之有數乎。其有邀時譽。忘廉恥。徇苟得。設向背於朝廷。立縱橫於勢利。

舉三寸之舌。屈辱豪門。奉咫尺之書。逡巡下席。皆自  
自謂材足以動俗。智足以濟時。鐘鼎輝其顧眄。冠蓋  
生其籍甚。豈知夫四海君子。攘袂而恥之乎。五尺微  
童。所以固窮而不為也。此蓋莊周有言。所以得意而  
忘象。得象而忘言語。曰談何容易。易稱書不盡言。知  
談之不易。而欲言之盡。以是思之。良可知矣。下官者  
康衢之賤耳。嘗聞闕里之言。頗掛平輿之目。豈不知  
塵形俗狀。游水鏡而多慚。抱鼓援鼙。偶雷門而自失。  
而欲刻鶴飾鳧。唐突肩餘者耶。徒以登山泛海。庶測  
高深。執炬傳螢。希增日月。三奔九合。下官聞管仲之  
風。千載一時。君侯受鮑卿之託。是敢陳其逕庭。不然  
則秋風明月。西江留獨往之因。桂嶠松巖。南山有不  
羣之地。矧區區者。而重高明之間閫哉。君侯極天分  
攘振瓊樹。而韜霞帶地。疏源握珠。胎而冠月。鱗軒羽  
殿。雲臺降卿相之榮。鵲印蟬簪。金社發公侯之始。青  
皋獨唳。望鴻漸而翻霞。丹穴高鳴。對鸞池而矯霧。嚴  
助以賢良待詔。未厭承明。汲黯以方正拾遺。終榮卧  
理。藩維克振。既參來暮之歌。邦國不空。自有康沂之

相加以雄材廣度。散琬琰於胸懷。逸氣邁文運。風霜  
於掌握。迫青霄而構舍。煙霞之涯。溪莫尋。振滄海以  
流謙。江漢之波瀾未測。耀靈桂於趙席。垂棘知歸。拜  
羣籟於莊軒。懸匏自託。賓階夕敞。清河銷驥繫之虞。  
虛榻晨披。元禮得龍驅之地。方當翊贊宸極。羽儀台  
屏。豈徒偃仰州縣。勞事藩庭而已哉。借如僕者。言不  
滿於鄉黨。聲不出於堂閭。東海取樂於簞瓢。南山畢  
志於文史。餐花佩葉。入蘭室而談心。挹露攀霞。坐松  
扃而笑逸。楊子雲之澹泊。心竊慕之。嵇叔夜之逍遙。  
真其好也。未嘗露才揚已。飾小智以驚愚。假勢憑時。  
託中人而樹跡。遍遊天下。寒心於將相之門。獨守太  
玄。側身於名利之境。嘗謂奉琴卮於北牖。詠詩禮於  
南陔。坐商洛而折雲英。臨江湖而採煙液。生願畢矣。  
而屬鸞扃停逸。頻虛不次之階。鶴板徵賢。累發非常  
之詔。天下有道。吾豈瓠瓜。承達人一顧之榮。辱公車  
再辟之禮。平津侯之博物。終屈奉常。賈大夫之才名。  
猶逢絳灌。况庸者而何免於此乎。君侯要津先據。圖  
海盛於當時。下官覆篲方勤。為山始於今日。雖陵深

谷變終非入室之賓。而晝詠宵吟。敢預登堂之列。夫以幽明不測。尺標見天下之心。巨細相傾。寸管合羲舒之度。豈非道存斯貴。理在必亨。霸略近發於輿歌。皇圖不隔於芻議。故有榮枯絕等。奉推轂而欣然。年勢不侔。受分庭而罔愧。風規可接。惟君侯體之。今古未殊。則下官願矣。常恨霜松列澗。萬尋無罩月之期。露草滋山。寸莖有梢雲之望。斯則聲實困於蕪濟。才位難於俱立。况乎地勢不足以誇俗。容貌不足以動人。遑遑藪澤。安足以奉高明之咳唾也。所冀蠅階賤質。附雲足而追飈。蚋序輕姿。託霜毛而絕海。委名勵已。蛟鱗申獨斷之能。偶迹當仁。驪珠鮮暗投之懼。天衢可望。指鵬程而三休。巨壑雖遊。伏龍門而一息。勃死罪死罪。

為人與蜀城父老書

蓋聞天地極極。不能否遷。泰之期。川岳薦靈。不能改窮通之數。豈非聖賢同業。存乎我者。所謂才榮辱異流。牽乎彼者。所謂命。是以龍驤鳳峙。一作翥伊周成翊。贊之功。含糗羹藜。顏冉困棲遲之病。或先號而後笑。

或始吉而終凶。事不可量。功未必定。則知洪濤未接。長鯨多陸死之憂。層風未翔。大鵬有雲傾之勢。池鱗井鮒。亦將鼓鱗而輕之。田鳩野鸚。亦將騫翮而侮之。及衝溟渤。接扶搖。吹波則江漢倒流。騰氣則虹霓掩彩。摩赤岸。負蒼天。然後知其力焉。吁。韓信之無津也。昌亭之一餓夫耳。馬卿之失路也。臨邛之一食客耳。武不足以服衆。文不足以動時。長劍屈於無知。洪筆淪於不用。洎乎雄圖躡運。至尊納背水之謀。麗藻昇朝。天子賞凌雲之作。威加海岳。聲振廊廟。彼淮陰之俠少。成都之遺老也。又焉能知遠近哉。是以鑑物於肇不於成。賞士於窮不於達。是知卞和之得玉也。精存於岸谷之間。張華之得劍也。氣發於星辰之際。夫豈琢磨成器。然後知其寶。剗斷為能。然後知其用哉。仰惟鄉耆等。並玉山高族。金堤勝侶。列子弟於千城。耀衣冠於百代。或以風雲去國。公孫躍馬之年。鐘鼎從王。諸葛攀龍之日。門庭相接。雕甍將綺。棟連陳機。杼相和。鳳攝將虬。梭交響。金漿玉饌。食客三千。綠幘青裳。家僮數百。冲襟渺識。人多江漢之靈。麗藻華文。

代有雲泉之氣。北齋開敞。南館虛閒。詩酒同歸。琴書  
合契。忘機得意。恥嵇阮之交疎。虛席延賓。恨原嘗之  
客少。實煙霞之藪澤。風月之津梁者乎。劉仲文之遠  
識。不以乾沒詣梁城。閔仲叔之高風。不以口腹累安  
邑。雖其已沒。生氣猶存。况乎屬宇宙之明。當天  
下之泰。不能俯拾青紫。高視縉紳。攀北極而謁帝王。入南  
宮而取卿相。脇肩側足。求哀鍾釜之間。低首俛眉。取  
齊卿斗之末。嗟乎。誠下官所以仰天漢而鬱拂。臨江  
山而慷慨者也。但時可以未遇。道可以未行。志願可  
以未成。功業可以未就。古之才足以輔王業。躡迹屠  
釣之間。功可以濟巨川。歲身版築之下。百里奚之負  
販。陳湯之丐貸。而况於庸者哉。此僕所以駿奔於顧  
盼之餘。自致於息光之末也。且夫精神所感。尚動神  
明。意氣相交。豈慚車馬。倘能投心季子。遙存素紵之  
恩。援手應侯。先立綈袍之贈。豈人之情也。能無報乎。  
方今白藏紹序。朱律謝期。天高而林野疎。候肅而江  
山靜。輕蟬送夏。驚晚吹於風園。旅鴈乘秋。動宵吟於  
露渚。絲纈成於南畝。秔黍被於東阡。時計有儲。願履



多福玉官溥游錦載飄寓淹時歡躋相仍憂雲自積  
陟梁鴻之峻岳何暇長誣臨阮籍之長途唯知慟哭  
庶憑調給以濟飄危輕訢短懷佇流嘉耗

又

蜀都廣鎮岷嶮奧壤山分玉宇木向金陵景貺有期  
英靈間出榮問休暢幸甚幸甚夫神有可迫淥波驚  
七柱之音道有可符玄霜扣九鐘之節豈道窮精秘  
妙聽察於無聲理實杳冥乎應通於不側波流柱響  
波無入柱之因霜落鐘鳴霜非扣鐘之具况乎言忘  
意得臭味相求目擊道存神明已接鄭僑之逢吳札  
無謂殊方阮籍之對嵇康自然同氣僕雖不敏嘗從  
事於斯矣嘗謂薰蕕不共器梟鸞不比翼是以類乎  
方者按風雲於千里垂乎類者起山川於一面抑嘗  
聞之士之生也其迹可擯而道不可藏其身可辱而  
志不可奪其有拂衣投臂遯形滄海之隅裂裳裹足  
獨立高山之頂量腹而食度身而衣以鐘鼎為芻豢  
以衣冠為縲紲方欲策鸞鳳而撫雲英鞭虹霓而採  
煙液其次排玉闕指金門成賈誼之謨樹中軍之策

因機入務。懷素將相之門。沐露沾霜。筆筆公侯之室。  
然則拾青紫於旦暮。取功名於俄頃。演文物而動寰  
中。騰聲名而振天下。若下官者。可謂慚二途矣。而斂  
手長揖。強顏高視。低心於蹇躓之辰。忍恥於栖惶之  
日哉。渭濱留釣。鷹揚之業未萌。緇源滯牧。鴻漸之資  
蓋寡。及其攀穹運。接靈期。乘雷雷而清八極。和陰陽  
而調萬品。則知冥機所運。吉凶於倏忽之間。玄命所  
移。飛伏於斯須之際。日月自至。聊復爾耳。方今炎飈  
謝節。爽侯闕辰。風高而宇宙清。霜下而亭郊肅。歸雲  
止鴈。流曙響於東津。落照開鴻。寫晴規於北岸。螢疎  
夕砌。蟬促朝林。感序緣情。故豐竒賞。僕一違秦隴。再  
革炎涼。戒征軸而無因。指歸途而有倦。故鄉超曠。曾  
山重複。吳宮尚遠。頻驚去燕之心。楚峽猶賒。已下聞  
猿之淚。徒以風猷未隔。道義相存。幸承知己之心。稍  
緩他鄉之思。昔慮公再見。懸光白璧之前。季布一言。  
猶定黃金之諾。况交已成於杵臼。道已茂於金蘭。希  
照窮途。遠流嘉貺。若使恩裁口腹。空留安邑之賓。惠  
闕始終。取恨昌亭之客。

與契苾將軍書

昊天不忱。哲人終否。畢公逝矣。傷如之何。敬想情則  
懿親。義惟良執。非夫人之為慟。其誰為慟乎。僕與此  
公。早投交契。夷險之際。終始如一。常思並建忠孝之  
績。共申家國之讐。壯志不就。古人所悲。何圖一旦長  
訣。嗚呼哀哉。管仲不存。叔牙空在。子皮已喪。子產何  
依。興言追昔。良增痛悼。適得韋四郎書。具承大郎雅  
意。知欲以此公碑誌。託之下走。夫撫今懷昔。理寄斯  
文。旌德叙功。事屬知已。是以子期幽思。感叔夜之形  
言。伯喈雄藻。待林中而無愧。下走雖不敏。幸託深斯  
此而不為。誰當為者。但恐位卑先達。才非拔萃。虛承  
厚賸。不副高聞。謹遣舍弟勛。往回取進。止臨書。啜泣  
慘惶。不次。

上百里昌言書

勃言鄉人奉五月一日。誨子弟各陳百里之術。宣於  
政者。承命惶灼。伏增悲悚。勃聞古人有言。明君不能  
畜無用之臣。慈父不能愛無用之子。何則。以其無益  
於國。而累於家也。嗚呼。如勃尚何言哉。辱親可謂深

矣。誠宜灰身粉骨。以謝君父。復何面目。以談天下之事哉。所以遲迴忍恥而已者。徒以虛死不如立節。苟殞不如成名。悔過儻存於已。為仁不假於物。是以孟明不屑三奔之誚。而罷匡秦之心。馮異不羞一敗之失。而摧輔漢之氣。故其志卒行也。其功卒就也。此言雖小。可以喻大。此勃所以懷既往而不咎。指將來而駿奔。割萬恨於生涯。進一簣於平地者。今大人上延國譴。遠宰邊邑。出三江而浮五湖。越東甌而度南海。嗟乎。此皆勃之罪也。無所逃於天地之間矣。然勃嘗聞之大易曰。人之所助者信也。天之所助者順也。是以君子不以否屈而易方。故否而終泰。忠臣不以困窮而喪志。故窮而必亨。今交趾雖遠。還珠者嘗用之矣。書不云乎。弗慮胡獲。弗為胡成。不勝憤激之至。謹上百里昌言一部。列為十八篇。分為上下卷。庶竭私款。少裨公政。追思罪戾。若投冰谷。謹奉言疏。不備勃再拜。

王子安集卷第十

龍門 王勃

論

三國論

論曰漢自順桓之間。國統屢絕。奸回竊位。閹宦滿朝。士之蹈忠義。履冰霜者。居顯列。則陷犯忤之誅。伏閭巷。則嬰黨錮之戮。當是時也。天下之君子。掃地將盡。雖九伊周。十稷契。不能振已絕之綱。舉土崩之勢。明矣。嘉平中。大黃星見。楚宋之分。遼東殷馗曰。其有真

人起於譙沛之間。以知曹孟德不為人下事之明驗也。先時秦帝東遊。亦云金陵當有王者興。董扶求出。又曰益州有天子氣。從茲而言。則長江劍閣。作吳蜀之限。天道人謀。有三分之兆。其來尚矣。然廢興有際。崇替遞來。每覽其書。曷能不臨卷而永懷。撫事而伊鬱也。嘗試論之曰。向使何進納公業之言。而不追董卓。催汜棄文和之策。而不報王允。則東京焚如之禍。關石亂麻之屍。何繇而興哉。至使乘輿蒙塵於河上。天子露宿於曹陽。百官饑死於墻壁。六宮流離於道路。蓋繇何公之不明。賈詡之言過也。於是劉岱喬瑁。張超孔伷之徒。舉義兵而天下響應。英雄者騁其驍悍。運其謀能。海內囂然於茲。大亂矣。袁本初據四州之地。南向爭衡。劉景升擁十萬之師。坐觀成敗。區區公路。欲居列郡之尊。瑣瑣伯珪。謂保易京之業。瓚既斃。斃術亦憂。終譚尚離心。琮琦失守。其故哉。哉有大賢而不能用。覩長策而不能施。便謂力濟九區。智周萬物。天下可指麾而定。宇宙可大呼而致也。嗚呼。悲夫。余觀三國之君。咸能推誠樂士。忍垢藏疾。從善如

不及。聞諫如轉規。其割裂山河。鼎足而王。何哉。孫仲謀承父兄之餘事。委瑜肅之良圖。泣周秦之瘡。請呂蒙之命。惜休穆之才。不如其罪。賢子布之諫。而造其門。用能南開交趾。東五嶺之卒。東駕海隅。兼百越之衆。地方五十里。帶甲數十萬。若令登不早卒。休以永年神器。不移於暴酷。則彭蠡衡陽。未可圖也。以先主之寬仁。得衆張飛關羽。萬人之敵。諸葛孔明。管樂之儔。左提右挈。以取天下。庶幾有濟矣。然而喪師失律。敗不旋踵。奔波謙瓚之間。羈旅袁曹之手。豈拙於用武。將遇非常敵乎。初備之南也。樊鄧之士。其從如雲。比到當陽。衆十萬餘。操以五千之卒。及長坂縱兵大繫。廓然霧散。脫身奔走。方欲遠竄。用魯肅之謀。然投身夏口。于時諸葛適在軍中。向令帷幄有謀。軍容宿練。包左車之計。運田單之奇。操懸軍數千。夜行三百輜重。不相繼。聲援不相聞。可不一戰而擒也。坐以十萬之衆。而無一矢之備。何異驅犬羊之羣。餌豺虎之口。固知應變將略。非武侯之長。斯言近矣。周瑜方嚴兵取蜀。會物故於巴邱。若其人尚存。恐玉壘銅梁。非

劉氏有也。然備數困敗而意不折。終能大啓西土者。其惟雅度最優乎。武侯歿。劉禪舉而棄之。覩譙周之懦詞。甘忿憤而忘食。聞姜維之立事。又慷慨而言。喜惜其功垂成而智不濟。豈伊時喪抑亦人亡。乃知德之不修。棧道靈關無足恃也。魏武用兵。髣髴孫吳。臨敵制奇。鮮有喪敗。故能東擒狡布。北走強表。破黃巾於壽張。斬眭固於射犬。援戈北指。蹋頓懸顛。擁旆南臨。劉琮束手。振威烈而清中夏。挾天子以令諸侯。信超然之雄傑矣。而弊於編刻。失於猜詐。孔融荀彧終罹其災。孝先季珪卒不能免。愚知操之不懷柔巴蜀。砥定東南。必然之理也。文帝富於春秋。光膺禪讓。臨朝恭儉。博覽墳籍。文質彬彬。庶幾君子者矣。不能恢崇萬代之業。利建七百之基。骨肉齋於匹夫。衡樞委乎他姓。遠求珠翠。廢禮諒闇之中。近抱辛毗。取笑婦人之口。明帝嗣位。繼以奢淫。征夫困於兵革。人力殫於臺榭。高貴鄉公。明決有餘。而深沉不足。其雄才大略。經緯遠圖。求之數君。並無取焉。山陽公之墳土未乾。陳留王之賓館已啓。天之報施。何其速哉。故祖而



論之。式備勸戒。俾夫來者有以監諸者焉。

八卦卜大演論

昔者聖人之作易也。始畫八卦以通神明之德。以類萬物之情。以爲分太極者兩儀也。分四象者八卦也。成八卦者十六將也。司八卦者十二月也。分十六將者三十二候也。分十二月者二十四氣也。分三十二候者六十四卦也。司二十四者氣三十六旬也。進退於三百六十六日。屈伸於三百八十四爻。往來飛伏之理盡矣。其孤虛消息之端竭矣。三才之道不可不及也。五行之義不能復過也。翕之以幽明。張之以寒暑。會之以生死。申之以去就。禍福生焉。吉凶著焉。成敗行焉。逆順興焉。賢者識其大者。遠者不賢者識其小者。近者奉之者則順。背之者則憊。圓立者稱聖。偏據者號賢。嘗試論之。曰。三才易之門戶也。八卦者易之徑路也。引而伸之。終於六十四卦。天下之能事畢矣。陳而別之。極於三百八十四爻。天下之微理罄矣。夫陰陽之道。一向一背。天地之理。一升一降。故明暗相隨。寒暑相因。剛柔相形。高下相傾。動靜相乘。出入

相藉。泯之者神也。形之者道也。可以一理微也。可以  
一端驗也。故天尊則地卑矣。水濕則火燥矣。山盈則  
澤虛矣。雷動則風適矣。是以天下有風可以姤矣。則  
地中有雷可以復矣。天下有山可以遯矣。則澤上於  
地可以臨矣。天地不交可以否矣。則天地既交可以  
泰矣。風行地上可以觀矣。則雷行天上可以大壯矣。  
山附地上可以剝矣。則火附天上可以大有矣。風行  
水上可謂渙矣。則水在地上可以比矣。雷出地奮可  
以豫矣。則風行天上可以小畜矣。雷之與水可作解  
矣。則風之與火可以家人矣。雷在風上可以恒矣。則  
風在雷上可以益矣。風在地下可以升矣。則雷在天  
下可以無妄矣。風在水下可以井矣。則雷在火下可  
以噬嗑矣。風在澤下謂大過矣。則雷在山下可為頤  
矣。雷在澤下可以隨矣。則風在山下可為蠱矣。澤上  
有水可為節矣。則山下有火可為旅矣。雷在水下可  
為屯矣。則風在火下可為鼎矣。水在火上可為既濟  
矣。則火在水上可為未濟矣。澤上有火可以革矣。則  
山下有水可為蒙矣。火在地下可以明夷矣。則水在

天下可為訟矣。地下有水可為師矣。則山下有火可為賁矣。澤上於天可為夬矣。則澤下有水可為困矣。山下有天可以為大畜矣。則澤下有地可以為萃矣。以山在澤上可為損矣。則澤在山上可為咸矣。澤上有火可為睽矣。則山上有水可為蹇矣。上天下澤可為履矣。則地下有山可為謙矣。澤上有風可為中孚矣。則山下有雷可為小過矣。山上有風可為漸矣。則澤上有雷可以歸妹矣。此天地以對成之義。陰陽反合之理。故卦相次則反爻以成義。易之八卦是也。八相生則錯卦以興理。因而重之事也。故聖人之道可縱焉。可橫焉。可合焉。可離焉。逆而陳之。未嘗逆焉。順而別之。未嘗順焉。三畫以變。雖天地之數可無韜也。九六相推。雖萬二千五百之浩蕩。不能踰於三百八十四。三百八十四之糾紛。不能踰於六十四。重之以六十四。不能過於八卦。張之於八卦。不能過四象。紀之兩儀。兩儀之理。達而太極得矣。故古往今來。寒進退。退死生。亂動是非。騰結未嘗非兩儀也。而未嘗離太極也。故曰有寒有暑。則兩儀不廢也。無思無為。

則太極未嘗遠也。見之則兩儀忘之則太極。夫然故  
不捨二求一。未嘗離動以求靜。未嘗離動以達靜也。  
有可有不可。非聖人之謂也。無可無不可。是夫子之  
心也。然天下之理不可窮也。天下之往不可盡也。有  
窮盡之地者。其唯聖心乎。有窮盡之路者。其唯聖言  
乎。故據滄海而觀衆水。則江河之會歸可見也。登泰  
山而覽羣嶽。則岡巒之本末可知也。是以貞一德之  
極。權六爻之變。振三才之柄。尋萬方之動。又何往而  
不通乎。又何疑而不釋乎。故孔子曰。必也正名乎。名  
者。義之本也。非聖人孰能正之哉。若抑末執本。研精  
覃思。非聖人之書則不讀也。非聖人之言則不取也。  
庶幾乎神明之德。可通乎萬物之情。可類乎本末之  
思也。夫何遠之有。君子可不務乎哉。

平臺秘略論十首

孝行一

論曰。昔之列桐珪。建茅土者。非一君焉。至於孝思。可  
稱。仁風茂著。存乎細牒。十一而已。豈非生於深宮之  
中。長於婦人之手。膏肓積乎驕慢。情奔淪乎嗜慾。鳴

呼有國有家者可不誠乎。

貞修二

論曰美哉貞修之至也。或抗情激操。仗清剛而勵俗。或理韻和神。抱直方而守道。或旌奇表善。擢才於不次之階。或剖滯申嫌。措辭於難犯之地。竝能以禮昇降。以時舒卷。既明且哲。以保其身。盛矣哉。原夫御俗裁風。變彝倫者。寄乎直。全身遠害。得隨時者。存乎變。夫然故進不違義。退不傷生。清貞靜一。保其道。委迤屈伸。合其度。易曰君子或出或處。或語或默。天下何思何慮。同歸而殊途。百慮而一致。此之謂也。

藝文三

論曰易稱觀乎天文以察時變。傳稱言而無文行之不遠。故文章經國之大業。不朽之能事。而君子所役心勞神。宜於大者遠者。非緣情體物。雕蟲小技而已。是故思王抗言詞賦。恥為君子。武皇裁勒篇章。僅稱往事。不其然乎。至若身處魏闕之下。心存江湖之上。詩以見志。文宣王有焉。

忠武四

論曰陰陽代興。剛柔合運。威恩參用以成化。文武相資以定業。况乎康侯自我。宗子維地者乎。城陽之權略明決。卒推呂氏之變。任城之志意剛斷。實啟有魏之業。蓋有助焉。陳思雅懷忠勇。義形家國。表奏永昌。洞曉兵數。績著疆場。長沙武陵亦足云也。

### 善政五

論曰東平以盛德匡時。大興禮樂。齊獻以至親統物。光濟中外。淮陽安定。峻必行之典。安陸扶風。深受遺之泣。能義形家國。理極忠貞。使黃河如帶。垂芳不朽。盛矣乎。守方雅以調蕃政。用公直而掌朝論。昂然直上。凜有生氣。衡陽大原亦足云也。

### 尊師六

論曰前史稱良藥苦口而利於病。忠言逆耳而利於行。豈非事情竭於不顧。主色期於難犯。中人以下罕免斯累。其有抗辭必盡。忠烈橫匪石之心。聞善若驚。君王動順風之請。相須之際。良可詠也。清河之恭慎。真懇雅為辭益。上引聖朝。下託師傳。和矣哉。

### 褒客七

論曰原夫重藝尊師登竒佇逸道存萬里神交一面  
故有推輪擁篲寡人忘千乘之榮越席分庭上才當  
四海之禮斯實藩邸之盛事間平之用心也而有矯  
情役智揚逸名利之間室隙蹈瑕乾沒英翽之地便  
辟脂韋飾其迹甘言巧辭運其辨假君王之顧眄用  
君王之威福傳曰好善而不擇人則前代有以之傾  
矣至於興諧文雅賞畫煙霞月庭廣闢風閨洞敞西  
園故事下蘭坂而宵歌東苑遺塵坐槐庭而曉賦折  
旋書藝之園翱翔儷詠之隙洋洋乎亦為樂之一方  
也

幼俊八

論曰夫濫觴懸米翻浮天動地之源寸株尺葉擢梢  
雲蔽景之幹豈非積微成大陟遐自邇易曰山下出  
泉蒙君子以果行育德故考其前事備之于篇

規諷九

論曰夫陵谷好遷乾坤忌滿哀樂不同而不遠吉凶  
相反而相襲故有全中率行用心於不爭之場杜漸  
防微投迹於知幾之地昔之善持滿者用此者也諺

曰禍不入慎家之門。前代有以興之矣。至若中山激  
難重存親禮。武侯變色。復延情愛。子建之陳辭。貢憤  
長沙之發對。因機雖亦各達其心。未若洪慶之希聲  
也。

### 慎終十

論曰詩云靡不有初。鮮克有終。若夫東平之奉憲。遵  
約。耿介原陵之奏。中山之見賢。思齊。慤懃漢陽之託  
庶。幾乎可謂慎終矣。至子塵之奉行。文處中慰之遠  
述。河間陳思。尅已竝未易誣也。

### 王子安集卷第十



王子安集卷十一

龍門 王勃

頌一

乾元殿頌 并序

臣聞鵬霄上廓。瓊都開紫帝之庭。鼇紀下清。珍野闢黃靈之館。兼山配極。照鸞闕於霞標。薦水涵元。湛驪宮於霧壑。斯則神徵語怪。功潛鳥跡之初。理涉非經。道昧鶉居之始。授鳳書而稽碧落。仙構罕存。按龜籙而質黃圖。金模間起。粵若風移處。暗增巢恢火運之。

機業拒嚮明。上棟括河圖之奧。三堦布政。詠匪日於  
靈臺。百堵陳詩。頌斯于於考室。亦有黃軒。瞰月樵門。  
頽九洛之功。璿闥排煙。牧野構三河之酷。御燕臺而  
臨北極。缺王度於祈招。列雲閣而拒南山。隕黃謨於  
軹道。然則早宮喪禮。采椽輕四海之尊。豐屋延災。相  
梁非萬乘之有。雖因時立事。奢儉殊流。而弘道在人。  
興亡迭運。靈光末造。不窺九室之榮。景福宏規。猶擁  
三方之豐。瞻風舊史。逮曹馬而無譏。觀跡故墟。歷周  
隋而未得。自我唐太陵遷構。均五方於鶴几之前。中  
野凝圖。調六氣於虬床之下。坐圭臺而清俯仰。晷緯  
齊明。臨鼎邑而重威靈。雲雷合響。得乎功於大壯。其  
至在茲乎。我大唐雞渾制極。樹神宰而制山河。鶴讖  
裁儀。闢太虛而有天地。黃精吐瑞。潛龍苞象。帝之基  
紫氣徵祥。鳴鳳呈真王之表。高祖太武皇帝虹星湛  
色。開寶胄於金壺。蛟電凝陰。發皇明於石紐。白蛇宵  
斷。行移海岳之符。蒼兕晨驅。坐遘雲雷之業。屬東隣  
委馭。扇虐政於叢祠。北拱隳尊。系皇圖於寶極。蜚鴻  
集野。瞻烏鮮投足之因。青犢嘯風。羣鹿無擇音之所。

天街五裂截鯨浦而飛芒。地紐三分觸鼇山而按節。  
予虬在御掃圻甸而廓星都。黃鳥分麾動扶搖而駭  
雲陣。鑣官杖鉞跨高陌而登元。轡野韜戈陟圮壇而  
擁號。皇圖不恃聖人追卷領之風。神器無私才子奉  
褰裳之運。太宗皇帝雲房揖契。壓麟璽於庭軒。雷渚  
翔英。擾龍鈴於高席。八能亨運。抗鷓邸而杖朱髦。十  
亂恢基。臨鶴州而擁黃鉞。唐雲秘族。潛開白水之徵。  
代景迴輪。光踐丹邱之運。運權輿象緯。削茅社而建瓊  
桃。草昧風雲。席羅圖而創璿。歷紫庭合粹。括宇宙於  
晨襟。丹宸凝尊。運陶鈞於寶思。搗碧霄而鍊石。上清  
耀魄之宮。詔寰海而捐珠。俯睇陽侯之室。功驅偃伯。  
頓鶚視於華封。道被來王。靜龍吟於武庫。予樞上運。  
卜年開累聖之符。丹竈升遐。遺範啟謀孫之畫。皇帝  
陛下椒庭襲慶。曜璿萼於霞庄。蘭殿分休。湛珠衡於  
月館。道凝瓊鎮。下蒼掖而照重熙。業峻銅樓。憑紫軒  
而揖羣后。環四瀛於舜抱。漏蟻覃津。栖十景於堯禔。  
巢螟荷照。上元開籙。寶龜定皇邑之模。下武崇基。飛  
龍錫帝臺之構。貞明啟運。齊玉鏡於鸞門。易簡成功。

偃銅符於鶴仗。懷降尊於襄野。大階忘七起之勞。念  
負重於焦原。巾席託三危之險。臨翠媯而則道。天孕  
時成。坐乎扈而被圖。神超物妙。星潯縱淑。曳珠紱於  
銅臯。雲野疏祥。披瓊枝於桂浦。素蟾登慶。六虛克牝  
馬之貞。丹雀御林。三雅合關。睢之好。璿宮夜靜。居龍  
幘而調元。金房晨開。御駕階而緝化。芝庭揖訓。遠清  
和鳳之儀。蘭珮承風。競峻當熊之節。皇太子承雲紫  
座。翊八柱於乾維。湛粹青衢。揖三樞於地戶。黃離踵  
曜。太陽分銑樹之輝。蒼震荐音。少海控銀河之色。鶴

釜飛奏。想丹駕於瓊山。鮑俎捐芳。齒予冠於寶序。彤  
闈問豎。禮崇監撫之威。黼席興賢。義極君親之愛。若  
乃東門卹胤。疊仙構於熊山。西苑承家。導靈波於鴈  
沼。桐圭作瑞。鳳毛曜丹穴之英。茅壤分維。麟距冠予  
邱之俊。吳宮延粹。闕朱柱於娥臺。允野流芬。疏紫蘭  
於別館。頻隈毓範。雲扃分戚里之驩。覃與凝規。星閣  
絕郎官之請。雕龍命職。縱跳澤而驤鱗。翠鷄調司。順  
義颺而撫翼。月軒宵佇。虞谿降璿緯之精。震帳晨披。  
姜水洞金韜之蹟。飛鶴書而抽海狀。桂壑於是投輪。

轉麟旃而揖山容。松澗繇其削。衽軒圖瑞喬。泛花綬  
於雞林。農紀祥炎。濯蘭纓於鳳水。仙臺倣務。三珪銓  
棘序之風。天秩調邦。六府變槐衢之典。金門獻納。縱  
麟筆於苔牋。石館論思。覈龜章於竹槩。淹中訪禮。蹲  
龍搖壁水之波。稷下談經。飛兔躍環林之秀。詞庭吐  
鳳翫鳥跡於春蠶。書帳翻螢。閱蟲文於夏閣。杏花千  
畝。紺轅照帝籍之功。桑柘三宮。紱降親蠶之禮。圖  
丘上闕。奉蒼壁於靈壇。方澤下凝。列黃琮於寶墀。朱  
絃翠瓊。履霜懷四響之尊。復溜重簷。涓日正三綱之  
首。五靈奔慶。冠蛇澤於黃樞。六祀銜欣。颺麟煙於紺  
席。遺弓積慕。虔深太廟之儀。執豆推恩。道振明堂之  
禮。瑤山廣樂。備逸於宮懸。洞庭仙奏。納遺歌於帝  
府。九韶分唱。后夔清桂序之音。六變同和。飛鳳掌梧  
軒之律。搏俎折旋之數。苞舉陰陽。堂庭節奏之規。彌  
綸宇宙。靈襟索隱。控風伯於詞林。睿想鈎深。詔天英  
於筆海。神窮獨照。傍探赤水之珍。思洽幾深。迴寫丹  
谿之韻。金壇紫露。映銀籀而翻華。瑤林白雪。藻瓊章  
而吐絢。蟬機撮化。銅渾將九聖齊懸。虬箭司更。銀漏

與三辰合運。爽鳩分職。素雲頽鳥啄之祥。神獬鬣司  
予。水照龍顏之則。黃沙鞠草。剗叢棘而遷訛。丹石滋  
苔。仰甘棠而息訟。融臯再稔。方聞外戶之謠。昧谷千  
廂。坐溢康衢之奏。百城煙峙。望秋露而乘風。千室雲  
開。合宵靈而組化。彤幃獨選。熊幡下蘆鴈之祥。墨綬  
分賢。犀檢降槐鸞之祉。筠驂佇信。髦士剖竹而相尋。  
葦杖霑仁。鮑叟攀輪而不暇。龍蛇可踐。野人豐荷杖  
之驩。雞犬相聞。城尉輟鳴桴之響。五雲抽潤。湛芳氣  
於璿臺。六府威殷。唱豐歌於銅闕。不戒而畀東戶。恩  
周動植之津。博施而舉南風。化偃胎萌之寓。神謀備  
預。儼七萃於丹樞。遂略防微。肅千廬於紫衛。元戎握  
節。黃公授犀。闕之圖。帝座聞輦。予女荐龍庭之策。藟  
柯捍刃。中權決勝於兩階。白羽俄麾。善陣推亡於四  
表。朱匡反景之域。削蛇弭於文輓。黑山明月之鄉。委  
龍琛於武帳。錦軒星鷲。控乾絡而觀風。繡服霞鷲。浹  
神絃而問俗。川浮沒羽。鯨谿靜丹浦之虞。陸薦飛毛。  
熊巘動青雲之偵。銀關驟雨。望紫陌而趨恩。鐵幌馳  
風。計彤闈而瀝思。赤馬文寶之寶。叢積乎郊。虞紈牛

露犬之貢。滿盈乎儲邱。青邱畫野。不踰征賦之鄉。蒼  
水奉圖。未盡隄封之貫。且夫緯武經文。宏業也。含幽  
育明。至誠也。混齊六合。大功也。規模百代。昌數也。故  
能襲九空而寧庶物。劃千里而統諸侯。休徵象德。而  
動嘉符。觸類而至。風揚晷洽。藻乾慶於芳年。司節河  
清。藹坤禎於明渚。瑤枝結慶。泉埃蕩玉。蓋之文。瓊液  
浮甘。天酒綴金莖之色。黃麴紫脫。湊仙頰於中畿。翠  
筵丹冀。疊靈株於上序。駢眸候日。漾影蒙池。比翰翻  
風。栖光理木。祥飛井絡。震鱗題瑞。朔之元。祉絢新郊。  
朽獸紀和年之序。具靈篇之絕。既究仙謀之殊。休天  
人之際。交矣。皇帝之道。備矣。繇是三靈物覩。扣蘭禁  
而棲誠。九服子來。詠蒿宮而騁力。去奢去甚。不矜黃  
屋之隆。匪樸匪雕。方順丹墀之請。宸規相宅。考周舊  
於靈都。睿覽思和。獲秦餘於正殿。羣臣列陛。奏蕭相  
之遺模。天子臨軒。採荀鄉之故事。炎洲八桂。筵仙棋  
於林衡。岱畎五松。委靈材於梓匠。衢宮記範。萬機抗  
九戶之尊。海孽移琛。千樂省十家之費。飛廉卷靄。徹  
煙極而浮甍。屏翳收津。劃星墟而置槩。瑤階百雉。光

懸寶露之壇。瓊壁萬尋影。絳崇霞之閣。拖虹梁而四  
注。星漢虧於上。榮疊雲棟而三休。寒暑隔於中。雷雕  
楣。鶴企沓勢分規。繡栢虬奔殊形別起。圓璫布藻。罄  
羽壁於狼泉。方鏡披蓮。孕化璣於蜃浦。芝樓對幄。重  
傳五日之風。芸閣列錢。彩鍛三旬之霧。文疏罩迥。陰  
兔息肩於綺寮。翠幌籠霄。陽鳥鍛翼於珠網。豐隆按  
節。下復撩而司階。列缺施鞭。低叢楹而假道。溫房佇  
幸。煦芳景於佳辰。涼室乘閒。凜徂飈於火序。金鋪夕  
照。若帝圃之輝瓊英。寶綴晨懸。類阿房之聚銀燭。煙  
邱碧桂。翊珉陛而披香。雨岫頽筠。夾瑤流而颺影。九  
衢翻翠。襍仙卉于中逵。四照霏紅。間靈葩於右城。神  
禽率舞。光浮四夏之軒。瑞鳥相鳴。響叶鈞天之樂。鈞  
陳宿列。嚴雙碣于丹霄。綺繳霞周。闢千門于紫露。爾  
其左扃嵩鎮。申侯降太室之禎。前枕莘郊。伊尹發空  
桑之秀。揭熊山而北眺。貝闕由存。覩龜溜而西分。瓊  
臺易接。總交中字。廓川陸而疏畿。竟想善鄰。揆風霜  
而建野。然則因秦構極。祖宗耀金策之符。作洛恢基。  
我后創瑤居之始。援天引聖。隔代重暉。橫紫都而可



襲配乎宮而非遠。故能使神光夜燭。鏡麟趾于文除。  
仙滄晨華。委鸞章于繡礎。靈爻密八方。方昭大有之  
和。寶篆潛開。六合啟同人之會。兩儀交慶。虛碧埤而  
翹旌。萬宇披歡。指蒼車而候蹕。雖青蒲頌德。東朝獻  
龍鳳之圖。而丹極鳴謙。南面動貂羊之詔。百神推策。  
望瓊徑而虔誠。三讓奉符。頌瑤壇而肅事。龜書吐瑞。  
按五校而分營。鳳策揚輝。翔八鸞而節步。惟宮霧轉。  
列芝蓋于中天。帳殿星離。軻蒲輪于大野。紫鱗充饋。  
若大帝之共臨。素鶴翔華。類羣仙之廣晏。花開瑞雪。  
委瓊醴而調芳。綵綉祥雲。夾珠旗而曳影。功推三祖。  
銀繩勒東岱之威業。竣一人。金笑奉南山之壽道。既  
成矣。系符集矣。代既貞矣。元勳緝矣。運三辰而虛玉  
柄。風兌渙其中孚。懸五禮而偃金科。雷坎光其作解。  
奔烽舉爵。溢仙酒於中衢。壘鼓分餉。浹宸輝於下里。  
吞九重而上運。控八聖而遐征。翔赤驥而睇風。區吟  
翠虬而掩霄甸。隱隱轟轟。雷動天驚。回輿斜眄而降。  
乎乾元之殿。司宮庇職。肅坻堦而神行。掌舍巡方。煥  
巖廊而洞啟。赫若朱螭。負漢而輝橫。海之麟默若蒼

鵬架壑而振垂天之翮。千官曉次，係銀榜而端簪。萬  
戶宵披，候瓊膏而肅帶。靈戈列陞，天官具三揖之儀。  
雲輅克庭，宗伯寅九賓之禮。瑤鯨戒響，懸猛筮于端  
闈。銅狄分形，肅嚴扃于左序。排紫微而立極，宸儀冠  
明后之三。俯黃道而披軒，仙厯用乾元之九。蕩蕩乎  
何聖人之無外，巍巍乎而神功之不窮也。臣勃席方  
十步，企景三冬。雖承宣室之談，猶窅靈臺之影。仙壇  
遠秘，已多謝于祥鷄。大廈初成，復攀榮于賀雀。慨深  
梁甫，終乘捧日之歡。恩極甘泉，未動凌雲之價。神圖  
不測，固流絢于丹滕。微志可存，庶鑄芳于翠琬。敢獻

頌曰

紫局垂耀，黃樞鎮野。銀樹霜披，珠臺月寫。嚮明立極，

橫神廓社，大壯搗艾。斯干韻雅，其一

鷄居化沒，狙訛道長。瓊構霞明，璜軒露敞。棄人崇欲，

違天蠹象，南巢不救。東鄰長往，其二

瑤緘考懿，金板藏功。道凝茅屋，業盛蒿宮。龍階察稷，

鵷閣調風，推訪華禮。酌儉思沖，其三

懸釐結疊，傳翼生災。千甍嶺接，萬拱星開。爭圖絢侈，

福極凶來風寒碣館露恹蕪臺

其四

十館瑩秦金房砥室千間架漢韜雲閱日濟惡承危

同亡異術傾軛未遠遺墟繼出

其五

龍川結禍鶴塞稱符塵驚八際霧慘三都穹廬寶極

蜀幕瑄樞司宮墜典掌舍淪圖

其六

蒼衢毓社丹邱表聖鳳矯仙樞龍迴寶命道凝金丹

功馳玉鏡紫氣抽華黃暉疊映

其七

神稽鶴識迹播雞渾重光累極翼子謀孫經天緯象

就日提元鸞軒湛粹鳳几裁尊

其八

祥抽紫歷業照彤管珍雀朝翻仙蟾夜滿丹書獻跡

青臺墜卵椒閨儀風芝閨奉款

其九

登三建緒明兩開儀龍譙霧鬱鸞禁霞披浪分璿渚

景峻瑤枝黃扉曉列丹轂宵移

其十

龜文獵彥麟旌收逸桂客攀榮松賓改律紫鸞開紀

丹虬聳秩繼壑搏颺登山捧日

其十一

功融棘序道脩槐庭不仁者遠惟道斯行煙搖墨綬

電轉朱駟境懷春翟野散秋螟

其十二

鄭竹分科燕棠輟諷銅機化極珠囊業洞禮貴丹虬

樂調朱鳳珠垆獻寶綿鄉委貢其三

龍闕靜柝鶴塞投弦歌呈豹尾舞進鳶肩銅梳月斤

鐵網星懸繩幽架險驛霧馳煙其四

霧壇凝紫河宮湛碧翠筴翻飈丹冀候魄霜均電散

連珠契壁藹蓋籠霏花衢墜液其五

年和政美化極風調靈臺軫詠考室興謠循圖訪典

去泰捐雕道存南面讓屈東朝其六

望雲裁構翫霄建宇方鏡星離圓璫月聚梓匠傾思

林衡授矩畫拱栖煙文軒架兩其七

芝房疊翠桂廡流丹霞張萬戶霧葺千巖重局駐燠

洞牖栖寒神加有叙貺入無端其八

帝圖臨御皇僚萃止電戟揮霜雲旌拒晷紫宮可逼

黃街易履鳳礎騰文麟廷抗禮其九

珠泥暢績銀繩鬱契鶴嶺雲明龍壇景惠道超中古

功推下濟惟帝惟天惟天惟帝其十

拜南郊頌并序

微臣上稽龍繇下閱龜謀觀天地之至道考皇上之

大節武宣七德未嘗踰息亂之鄉文招九功未嘗出

昇平之域。並能懸日月而高視。駕雷雨而先鳴。或皮幣而踐天階。或干戈而躡乾步。至於理定創禮。功成作樂。振長策以叙諸侯。設靈機而制羣動。猶虞階已泰。不能息洞庭之誅。夏載克寧。不能罷會稽之戮。故將體剛柔而立本。法震曜而崇威。一戎而寓縣。平西罪而華夷服。然後黃旗大輅。詔殊號於圜丘。電轉星迴。奏兮符於孝理。天下黎人。知四海之安樂。寰中殊域。奉三寧之康泰。德兼祥風。灑道與和氣游。不言而大寶用貞。無事而元功有立。捨彼代也。其誰與哉。若夫應運而生。繼天而作。鼓動千載之下。超騰百王之上。遂能發軒庭之景曜。躡隋運之頽風。揖讓而取文。明指揮而清函夏。則我皇唐得之矣。高祖以黃旗錫瑞。靜雲火之橫氣。太宗以赤羽登期。補星辰之絕縷。授瑤圖於斯邑。付璿厯於均臺。人更三聖。道昭千古。於是俛臨睿極。趨四荒於鳳闕之前。端委廟堂。調萬國於龍軒之下。八鸞徐動。頓湯文于後塵。九駿長驅。佇堯舜于中路。邦家之具得矣。易簡之業存矣。猶有朱蒙戾俗。違光蓬艾之間。青激遺疇。假氣陶鈞之內。

背熊山而搆虐。擁狼潭而稽誅。竊瀛海之風波。弄乾坤之網紀。漢圖西返。惟收五都之名。魏律東窮。未出三韓之險。姦謀蓄於有漸。逆節成於不悔。長蚊蚋之雷霆。附豺狼之羽翼。豈知夫至人無外。撫天下以為家。真數有歸。弔羣方而罪已。三門遯甲。黃公成不戰之師。五壘神兵。兮女下先登之策。肅牙璋而按律。輝旄節而分麾。降南宮之元老。裂西營之毅卒。良將首路。偏戎竟野。軸轡萬里。旌旗四合。金箱玉匱。司空憑首勝之威。鷄視龍趨。將軍仗萬全之略。負鼃邱而峻壁。據龜壑而深溝。一鼓而亭塞無塵。七縱而江山失險。伐罪以明。而不以衆。懷遠人於絕境。均惠化于殊鄰。登若木以照臨。折紅桃以延佇。然後分州列鎮。對明月以收營。返旆旋戈。部兮雲而振旅。望神都而獻捷。仰靈社以書功。辛亥謁于昭陵。癸丑告于太廟。時乘黑帝。月旅兮枵。大唐有國之五十一年。皇帝有天下一十九載也。元惡既殄。萬宇清矣。元勳既輯。萬寶成矣。以為周郊上帝。裁延肅慎之賓。漢禮甘泉。未極朝鮮之亂。想兮功而反側。奉先旨以遲迴。思答上

靈之心以洽庶黎之望爰考古日遂淨行宮有司具  
典乘輿乃出撫兮蚪戴翠鳳鼉鼓按節鯨鐘疏響千  
乘嶽動萬騎林迴星陳而天行雷震而霧合是時未  
登夫泰壇也迺齋帷宮宿帳殿華蓋移影鈎陳從蹕  
千營夕布亘蒼野而煙凝萬幕宵懸背黃闈而霧列  
既而屏翳清曉飛廉警旦孫叔奉轡王良聳策雲藏  
星謚宇曠山明旌軒具照簫笳互凝陟名嶽以告成  
歷神丘而展事國容象物而動朝章視令而肅宸儀  
有睟虛徐大帝之庭列侍無譁髣髴華胥之國于是  
襲袞服戒俎豆端瑞班儼華旒樂懸六代禮備三古  
奠惟蒼壁藉用白茅鳴孤竹之簫管奏空桑之琴瑟  
感格以誠不以事動植咸驩敬神以道不以華天人  
合應然後駐聲名于上邑反文物于仙宮因雷雨而  
作施法雲天而用響風行電舉未注景而決九埏野  
怵途歌不崇朝而晏六合我之兮極乎矣我之能事  
畢矣趨帝裳而振足越皇衢以驥首不其休哉雖睿  
化無方比神圖而絕唱而小臣不佞撫洪筆而當仁  
敢作頌曰

遼河巨浸碣石危峯城分兮菟塞接黃龍憑遐作梗  
恃險忘恭人殘鬼哭主闇臣兇有晉不綱戎麾內逐  
帝隋失御皇輿外驚九縣塵征三靈霧翳長茲下慢  
逋我天戮五材無隕千齡有聖武創元基文清寶命  
波恬四海明宣七政息衆以寧綏荒以令飛龍繼跡  
鳴鳳重光遂均夷夏迭用柔剛戈船泛月劍騎橫霜  
風驅海石電掃辰陽帝師無戰神兵有伐丞相陪麾  
司空仗鉞危雲旦起長星夜發萬壘爭屠千城自蹙  
功起薄伐義極兼該殊方底定善陣徐迴歸俘獻捷  
課績分材建侯清廟偃伯靈臺考事龜謨凝清鳳宸  
仰觀俯察享神作祀道則推天功非在已豐隆旦出  
招搖夕指神壇嶽立齋館雲深鑿旗曉引葆吹晨吟  
山明野徹日降天臨鏘鏘盛服肅肅珪簪俎豆畢陳  
笙鏞間撫玉觴分獻金罇暢矩青帝鳴琴朱靈會舞  
上和下悅神歆神聚収驩巨野反旆靈躔思周宇宙  
樂極寰延德因時立頌以時宣帝之功也臣何飾焉



王子安集卷第十二

龍門 王勃

頌二

九成宮頌

臣聞在天垂曜。璿宮列乾象之墟。在地班形。珠闕鎮坤靈之野。洎夫三精駟運。即寥廓而為宮。九聖旋游。遍洪荒而不宅。則有瑤房玉室。崑山分大帝之庭。金屋銀臺。滄海濯元之宇。豈非神明其道。騁仙轡於無垠。浩蕩其居。示清都於不宰。若夫扃牖六合。奔走

八神占日月而揆山川。駕陰陽而法天地。非聖人其孰能與於此乎。至若文開遼甲。仇峰城蒼后之躔。樂奏鈞天。峒嶺駐黃軒之駕。業融環堵。下姑射而尋真。道濟巖廊。望衡山而展事。斯則三堦遍下。唯臨布政之宮。六位時乘。未覩巡方之館。其後兩龍齊驚。抗瓊闥而同嬉。八駿高驤。指瑤池而結興。殷風不競。砂邱雄別館之娛。秦道無章。雲閣狗殊庭之賞。於是功虧大壯。頌闕祈招。豐屋同志。危軒繼及。遂使來候年跡。名山為縱觀之場。竝海遵河。沃野盡行宮之地。皇天

震怒於上。蒼黎眈慟哭於下。土其有斟酌。千古文明。一代蒿宮不陋。茨山可仰。祈誠東岳。唐帝復衢室之尊。用饗西岐。天子合鈞臺之運。得其道也。蓋有存焉。國家梯霄架極。罄域栽基。纂高丘白雲之胤。鬱函都紫氣之兆。宸扉既闢。一宇宙而來王。聖籙潛躋。貳乾坤而作帝。高祖天旗夜立。制黃馬而驅太。宗宗日馭晨飛。驂綠蟠而首出。雖立極承祧之業。進燭前文。而重光累洽之符。歸功下武。陛下承靈太乙。踵睿登三。星虬沓祉。電虬發慶。丹書碧篆。神符煥河洛之文。玉

斗珠衡。天骨挺皇王之表。用能捨桐圭而宣七鬯。肅  
玉籍而揖宗祧。寫霽九天。騰景萬里。御風雷七曜於  
上。博臨之功顯。用山川六府而下。輔相之宜得。予宮  
密運。敷造化於靈襟。黃屋神凝。創經綸於寶思。鳳闈  
宵靜。陰靈宣玉闈之華。鶴禁朝趨。離象峻銅樓之景。  
川分帝子。控鯤壑而疏源。岳動天孫。擁熊山而列鎮。  
其化成也如彼。其強幹也此。猶猶乃停旒正室。嚴續  
中軒。玉階匪泰。金門爲險。佇虹旃於月澗。岳瀆生光。  
飛鶴繫於煙臯。江湖動色。桃溪逸彥。塞丹井而歸風。

松磴遺英。斬予關而奉制。位兼河海。九卿參巨濟之  
功。道合星辰。三事鬱經天之象。朱轡緝化。泣故老於  
中溪。墨綬宣風。繞春童於上陌。王化之基已洽。天工  
之代有序。建銅儀而測曜。象緯齊懸。按璿璣而書雲。  
禎氣疊舉。祥噦十二。紫鷓調夏谷之音。大禮三千。頡  
蛇應黃鐘之曲。蠶功順令業著於青裳。蜃磨迎春恩  
周於黛耜。黃砂靜讞。爽鳩興頓足之悲。丹石銷冤。神  
獬輟推鋒之計。詠時和於帝壤。動植咸驩。歌道泰於  
華封。昆蟲自樂。星墟列將輝玉節而長驅。天策神兵。

下金壇而決勝。橫麾赤坂。葱山成不戰之郊。命繳青  
邱。桃野見其亡之兆。煙馳火徼。勵珠產而移琛。雪鷺  
氷洲。駕瑤谿而納賚。乾坤復復。載遵赤縣之封。曦望  
環周。未出黃圖之域。故夫含吐萬物。至切也。制平八  
表。大業也。一陰一陽。神通也。乃文乃武。聖圖也。用能  
使天不愛寶。地不藏珍。日月五行。風雲四序。龍章鳳  
彩。鳥奕於郊墟。黃鉉紫玉。磊砢於坳圉。集風雲於翠  
筵。浴甘露於朱英。澤馬飛鑣。山輿結轍。殊徽狎至。祥  
書竭東郭之毫。累譯同歸。朝冊盡南山之竹。然後瑤

壇備物。陳帝服而展皇儀。石室疇庸。登太山而小天  
下。功弘事畢。狹廣宙而三遷。風舉雲搖。歷神都而一  
憇。考遺基於汶上。稽典故於淹中。光總章之瑞紀。嗣  
乾封之寶歷。大矣哉。昇中作睿。握四海而為尊。則大  
斯謨。肇三宮而配永。憑太室而高視。靈壇八百。坐明  
堂而恭己。諸侯一萬。時既貞矣。襄城辭訪道之遊。功  
既成矣。兮圃頓尋仙之駕。繇是南宮奏議。和兮禁而  
成章。而土謳歌。指皇輿而佇眷。咸以珍臺靚穆。陽靈  
開避暑之宮。清序鈞調。景福制追涼之殿。然則高棟

深宇威神之。大節也。順氣發生。巡遊之大功也。况乎  
石城金室。偏興鬼之區。珠藪瑤池。宛在秦豳之境。  
應雷駟而出。豫蒼帝其時。面炎馭而思和。朱明不遠。  
雖途吟野。忭黎元忻望。幸之符而屋已從人。天子下  
勞謙之詔。候離局而從晏。尚惕三危。清近縣而移鑿。  
猶詳再駕。以為三十六所。帝劉非舜禹之心。四十二  
宮。全趙異成康之歷。詠荆臺而夕厲。思蒲坂而晨凝。  
方奉後天之期。俯順觀風之請。萬靈禋社。三辰合慶。  
姬文考筮。容成奏日。千旌鳳轉。儼鏤象而星陳。萬騎  
龍嘶。伐靈鼉而曉嶂。靜惟宮於綠野。肅帳殿於黃街。  
奔欖搶而走陸。梁陳浮靈而候明月。前驅雷竦。下列  
缺於騰鞭。後乘雷驚。起豐隆於驟轂。瓊戈晝洒。太陽  
疲轉日之鋒。玉劍宵翻。懸象睹衝星之氣。天旋霧散。  
岳運川迴。林兵護野。方神啟路。黃麾紫蓋。雜精氣而  
西浮。雲動神行。背封巒而右指。吐霧馳風。以臻夫九  
成宮禮也。爾時峰橫地。乳景戴天。麋分閭井。而圖基  
蔭秦星而耀。趾靈墟寶藏。代興沂雍之間。峻阜長岑。  
疊鎮岐梁之域。丹溪碧洞。吐納虹霓。偃柏叢篁。騰遷

雨霧獲秦餘於故兆。地擬林光於周舊。於遺風山連  
水許。前趨劔棧。玉壘千尋。傍望斗城。金墉萬仞。架陰  
邱而北走。境瞰廊祠。分沓嶂而西馳。塗交隴坂。仙都  
密邇。猶連上苑之扃。靈宮巋然。直透崇岡之曲。即礪  
基於礪道。利在斯干。固拱木於虞衡。規同匪日。彌峰  
跨谷。層城萬轉。歷險乘危。迴廓四柱。山祇盡出。石微  
道而終年。風伯羸糧。半長途而中宿。架千樓而檄極  
爛若神扶。羅萬戶而窺天。魏如化立。離堂早照。皦日  
籠光於綺寮。合殿宵深。歸雲納影於重廡。珉房砥室。

畫棋相望。綠岫紅巖。雕櫳間出。爭熊蚺蛟。俯棟宇而  
危心。青鳥歸飛。仰靈軒而墜翼。轉飛檐於秀嶠。上出  
重冥。蔭反宇於迴谿。下臨無地。紅葩紫葍。垂倒井而  
披文。金鎖銀鋪。接重扃而炫色。儼鈎陳於漢陌。秦階  
非遠。設陞戟於煙庄。仙梯可陟。華璫壁散。掛明月於  
崇朝。密網珠連。落奔星於已曙。丹楹發秀。彩沓蝨文。  
皓壁凝鮮。光含蜃氣。銅龍對雷。接飛泉而瀑流。鐵鳳  
連甍。溯還飈而佇立。雖南纏統序。北室開榮。凜勁氣  
於叢楹。起西風於洞穴。跋烏夫轡。出澗戶而無光。金

免低輪乍低扉而變色。陰庭阻夏。祝融無竊據之因。  
邃室乘春。顓頊定忘歸之策。飛廉扣響。赴北闕而神。  
寒屏翳收津。跼南端而股戰。蒼蒼八桂。白露為霜。落  
落千松。玄陰昧景。金人列陛。來危砌而思衰。玉女窺  
牕。伏增巒而請纊。陽秋代駕。不凋仙圃之華。天地為  
壚。未解幽陵之凍。至若氣清乾步。景霽山維。栖翠靄  
於崇榮。列朱霞于複榭。瓊枝累道。移綴文椀。碧樹周  
阿。光搖鏤檻。靜簾帷而洞啟。穆羽相和。肅坻堦而天  
臨。纖塵不動。宸儀有睟。蓬萊與城闕俱崇。羣后多歡。  
薜蘿共簪裾合賞。巖花落砌。綴龍宸而成文。嶂葉文  
軒。拂鸞旗而追影。鑪峰轉靄。香傳玉几之風。石瀨鳴  
湍。響入銅壺之水。乃有稜陽駕鶴。奉丹墀而稱臣。子  
晉吟鸞下青蒲。而靄帝箕。精失耀。傳說恭命于東廂。  
昂宿低芒。庭陞奉職于西序。三臺九署。雲端極目。霓  
裳風髻。闕下相尋。張良卧疾。攀赤松而有地。綺季來  
朝。歌紫芝而忘返。若夫功成旰食。道濟宵衣。漢宮追  
聽覽之餘。堯殿得巡來之闕。霞登月憇。光睿幸於彤  
闈。玉振金聲。藻宸章于翠掖。洛陽才子。承間盡宣室。

之談蜀郡詞人。還奏動甘泉之賦。復有軒庭十四。出  
桂閭而乘茵。永巷三千。望椒塗而奉幣。翊鳶臺之廣  
宴。扈駕砌之仙遊。羅綺芳兮四面春。環珮鳴兮九重  
暮。風閨夕敞。携少女于歌筵。月幌宵隴。下嫦娥於舞  
席。玄房竦宴。雲姬辭豹尾之歡。紺幄承顏。星媛入魚  
鱗之戲。若乃屯營擲比對閣道而斜趨。辭寺基分混  
文昌而外屬。周朝瑞鸞。穀黍叶律之宮。陳寶鳴雞。響  
雜司農之序。名都廣會。閭閻萬室。帝籙仙垣。亭皋千  
里。山村野壑。家連茵草之園。谷飲川居。戶有桃戶之  
水。故夫恩加草樹。囿原澤而無私。道被翔行。苑山川  
而不禁。每至昊天戒序。高風嘯律。虞官敵秋。獮之儀  
司馬奉梁騶之典。將軍布卒。略玄灞而東馳。都尉關  
營繞黃山而北睇。於是逢蒙列階。蚩尤並轂。村官發  
射期門。走伋玄麾。麾而直指。鶚視千羣。奮朱鬣而橫  
行。龍驤萬計。層旂黃旆。出宇宙而三驅。疊鼓鳴鐘。連  
雷霆而一呼。前旌逐日。夸父斷黃河之流。後騎超山。  
共伯扶崑崙之柱。近陵吐焰。縛奔電于長鋒。灌莽生  
塵。隕飛霜於勁鏃。合戈鋌而照地。猛兕知窮。振罟網



而龍天騰龍失據崩林磔石毛羣無挺險之資蔭澤  
風山羽族落垂雲之影長圍躑躅得駿馬於秦垆大  
輅徜徉載飛熊于渭浦然後還師振旅考事陳功皮  
軒按節牙璋復路視餘生于大野誓廣校於長阪班  
暉于截辟之墟有蜡于長楊之館命奔騎而舉醕火  
照甘泉總輕騎而行庖雲驚上路敷蕪萬歌鐘鐘空  
廣樂之庭禮被三雍玉帛畫塗山之會龍胎鳳卵入  
禹膳而調方石乳瓊委堯樽而湛色恩沾下帛宴宴  
液仙宮雖大夫思濯鷁之歡而天子可迴鴈之奏然  
後拜釐清廟考德齋宮用多功而不有宅太虛而無  
迹動崇易簡規萬祀而化黃金道貫幽明徵百靈而  
響丹甑得子珠于舜海尚驚水危朗天鏡于堯儀猶  
勤日昃虔恭上帝東朝懸待諫之旌清問下人南面  
聽登聞之鼓則有郊童俟蹕敢讓天師野老排闥唯  
歌帝力風行比屋忠臣收折檻之謀化溢康衢良使  
息埋輪之請設神規而動俗庶績其凝握元符而發  
祉殊方合應華胥已泰濟羣生于不死之庭閭閻可  
觀致仙歷于無窮之境蕩乎發育萬物而顯諸仁

洋洋乎包舉六氣而藏諸用。均兩儀而得一。恥三皇  
而不四者矣。巨勃東臯賤節。北阜幽姿。常叨召見之  
恩。驟玷明敎之列。書生謁相。望闕推輪。下客遊梁。榮  
參賜帛。終童立志。空投函谷之繻。馬令同時。未給尚  
書之筆。雖千機妙鍵。已寂兆于不言。而詠德陳功。請  
追聲于匪頌。其詞曰

九門浩蕩三山起。忽帝坐金房。仙成玉闕。浮丹麗紫。  
棲霞冠月。真匠難徵。虛談易越。其一

旋窺鳳紀。極睇龍墳。層巢化沒。上棟文分。茅宮蔽雨。

松殿來雲。猶迷匪陋。尚缺斯文。其二

道倫明一風遷。繼五禮讚三宮。詩歌百堵。黃圖未洽。

紫庭無輔。局促墉垣。逡巡度矩。其三

盛衰環襲。冲盈舛驚。璿宇夏闕。瑤局殷樹。奢窮地絡。

毒流天步。相日遄奔。尋雲速仆。其四

災延六國。運逼三川。分雄競侈。禮僭圖全。飛甍月徑。

列廡霞阡。乾谿敗楚。碣石亡燕。其五

阿房秦構。文軒五里。建章漢立。仙闈萬祀。詭代齊淫。

違天縱已。望夷有釁。甘泉不祀。其六

宛郊嗣錄譙鄉警衆蜀跨梁岷吳吞楚夢相宜裁軌

崇楹累棟雲闕同華泉臺罕共其七

晉圖終否胡風肆極霧躡丹圍塵埋紫域皇階不守

帝庭無色帳殿相臨羶牆間飾其八

南承有宋北洎亡隋功慚戶牖守在城池樓船水覘

車陣山窺吳庭再毀代鼎三移其九

火德初融江陽振旅奄收淮船遂朝吳渚象錯驕秦

就舟壞楚雄圖乃溢傾宮不處其十

海岳呈華風雷駕慶剪諸戎首光我靈命紫氣雲蒸

黃星月映輔商為業遵唐啟聖其十一

景閔丹繩祥抽翠錄格天垂範模神鷲躅朱極重光

黃離繼旭道清金鏡時和玉燭其十二

徵規鳳闈毓訓鸞闈桐宮宿列桂邸霞飛台精變道

岳耀裁幾朝盈振鷺境比馴翬其十三

武韜弓矢文經步驟爽鳩議獄龍師掌奏玉帛華夷

提封宇宙譯書歲款祥圖月湊其十四

帝功得一乾元用九鏤玉天齊塗金社首神京四邑

明堂八牖燮而可大為而不有其十五

曾宮望幸幸封佇悅伺隙披圖乘時徙轍赤駢俟駕  
蒼虬按節月車宵移星闈曉列其十六

方神護野岳將清塗迴麾嶠迤路蹕山樞十靈電騫  
萬辟風趨鈞臺有問峒岫無虞其十七

五城分委雙巒抗影畫拱彌峰雕甍亘嶺煙閨夜謚  
雲房晝靜竹殿栖寒松軒祕景其十八

紫庭晨御彤闈早闢天子凝旒辟公奏壁薜蘿齊致  
簪裾混迹仙鶴隨輪靈鳧墜其十九

風扇渚敞震廓濛濛玉網星開金鋪月墜山樓獸矯  
雲臺鳥次複嶂披丹迴流轉翠其十

仇夷聖宅姑射神心樂翔丹鳳使引青禽義壇葉暗  
禹洞花深沼分瑤水花跨珠林其十一

順時宣節分戎講將星騎朝飛雲羅夕張寶雞獲祉  
非熊入貺駕掩岐蒐禮高秦望其十二

鄧庭未遠塗山有戮襄野迷軒清都宥穆罕夷乾步  
徒豐帝屋光總大猷允歸天祿其十三

命宮垂訓靈韻雅切功映寰中頌流天下皇圖已泰  
鴻筆難假帝有力焉惡非能者其十四

贊

平臺秘略贊

孝行第一

受訓椒殿承輝桂闕資父事君自家刑國孝惟忠本  
忠隨孝得履薄臨深惟王之則

貞修第二

列藩好德清修互起峻局剛情中孚素履道契乎極  
芳圖青史為善不同同歸于美

藝文第三

榮分上邸業盛文場爭開寶札競聳雕章氣凌雲漢  
字挾風霜後之來者其在君王

忠武第四

善政第五

榮開社稷業照旂常是恢藩化或固朝章功成道洽  
身歿名揚維忠與孝千載生光

尊師第六

奔霆易駭巨壑難遊主明臣直撫類相求道行言用  
惟逸神休吁嗟盛軌從善如流

褒客第七

功惟應物業貴逢時君王樂道上客含詞情起月肆  
興入煙達文林辨面何代無之

幼俊第八

列后雲騰英童霧躍年妙識遠理曲豈詞約寵照玉旗  
文先銅爵勿踈小善方恢大略

規諷第九

寵榮有極恭沖是守軸碎羣毛金銷衆口全忠衛國  
順時歲垢周之宗盟異姓為後

慎終第十

具覽藩猷遐窺國篆罕兼百行多褒一善履忠存性  
慎終思遠生榮死哀身沒名顯









